



Exposiziun publica dal project da vias e la dumonda da runcar

720.17 Via da Cunter

Correcziun da la via Mon - Navaras km 4.40 – km 5.87

Project d'exposiziun nr. 720.17.4061 dal settember 2020

1. Lieu e durada da l'exposiziun

Las actas dal project e la dumonda da runcar èn exponidas dals 26 d'october 2020 fin ils 26 da november 2020 en las administraziuns communalas, vischnancas da Cumegn Albula/Alvra, Veia Baselgia 6, 7450 Tiefencastel + Cumegn Surses, Veia Cantunala 57, 7453 Tinizong, per prender invista (art. 20 da la Lescha chantunala davart las vias, LVias; DG 807.100). Durant il temp d'exposiziun pon ils documents er vegnir consultads e chargiads giu sut www.tiefbauamt.gr.ch > Rumantsch > Actualitads. La nova axa da la via (mellen) e las lingias da construcziun (blau) èn stajadas respectivamain marcadadas en la cuntrada.

2. Dumondas per permissiuns spezialas

Las suandantas dumondas èn parts dal project d'exposiziun:

- dumonda da permissiun per cuvrir u per metter en bischens auas currentas tenor l'art. 38 al. 2 da la Lescha federala davart la protecziun da las auas
- dumonda da permissiun per edifizis e stabiliments en palids planivas tenor l'art. 7 da l'Ordinaziun davart las palids planivas
- dumonda da permissiun per far intervenziuns en objects protegids dal chantun tenor l'art. 29 da la Lescha chantunala davart la protecziun da la natira e da la patria
- dumonda da runcar tenor l'art. 5 da la Lescha federala davart il gaud.

3. Restricziun dal dretg da disponer

A partir dal di che l'exposiziun è vegnida publitgada uffizialmain dovran ils projects da construcziun entaifer il territori ch'è cumpiglià dal project ina permissiun dal Departament d'infrastructura, energia e mobilitad dal Grischun. Questa permissiun vegn concedida, sch'il project da construcziun n'ha naginas consequenzas engrevgiantas per acquistar il terren u per realisar il project.

4. Protestas

4.1 Legitimaziun

Tgi ch'è pertutgà dal project d'exposiziun e po far valair in interess degn da vegnir protegì per abolir u per midar quel, ha il dretg da far protesta. Il dretg da far protesta han plinavant las vischnancas pertutgadas e tgi ch'è autorisà tras il dretg federal da far quai.

4.2 Objecziuns

I pon vegnir fatgas valair:

- a) objecziuns cunter il project d'exposiziun e cunter las dumondas per ulteriuras permissiuns ch'èn colliadas cun quel sco er cunter in'expropriaziun prevista e cunter sia dimensiun;
- b) dumondas d'indemnisaziun, en spezial pretensiuns per ils dretgs che vegnan fatgs valair e per autras pretensiuns che resultan dal dretg chantunal d'expropriaziun. La rectificaziun da questas dumondas ha lieu suenter l'approvaziun dal project en la procedura per l'acquist da terren.

4.3 Termin ed adressat

Protestas ston vegnir inoltradas entaifer il temp d'exposiziun cun ina curta motivaziun al Departament d'infrastructura, energia e mobilitad dal Grischun, Ringstrasse 10, 7001 Cuir.

Sche pretensiuns d'indemnisaziun vegnan fatgas valair posteriuramain, ston vegnir observadas las consequenzas da la negligentscha tenor l'art. 17 da l'Ordinaziun chantunala d'expropriaziun (OExp; DG 803.110).

Departament d'infrastructura, energia e
mobilitad dal Grischun

Il schef:

Dr. Mario Cavigelli, cusseglier guvernativ

Cuir, ils 14 d'october 2020